

詩

通

詩通三頌卷四

海虞陸化熙羽明甫雜識男

明徵休徵編錄

清廟

洛誥周公告王曰王肇稱殷禮祀于新邑于廟百工倅從王于周

箋云廟之言貌也死者精神不可見但以生時之居為宮室象貌之耳○杜預曰清廟肅然清淨之稱

此詩以立德無射于人為主首句要見新率諸侯以祭

肅雝秉德一意互言秉德即秉文王肅雝之德也對者編  
對之謂以心契心景仰昭事如將見之布武而行則太而  
疾言彰事之教如將弗及也亦根心言但對從神之在天  
來奔從主之在廟來耳駿奔正足其對越盛通本肅雝秉  
德說顯者昭明不昧之謂承者奉發奉持之謂無射者至  
精至粹盡善盡美克當人心而不為人所歎也即于顯承  
見之人字泛指天下人說而奉祭者在其中奉廟中以見  
天下也

不顯不承箋曰是不光明文王之德歟言其光明之也是  
不承順文王之德歟言其承順之也此祥最妙蓋不顯承

敬。緊頂上文。言人心之見文德。無射于人則順。言文德之見于人心也。

書曰。古世之廟。可以觀德。

輔氏曰。文王之德。不可明言。凡一時在位之人。所以能敬耳和。能行文王之德者。即文王盛德之所在也。必于不可容言之中。而見其不可捨之實。則詩人之意得矣。

維天之命

序曰。太平告文王也。箋曰。告太平者。居

攝五年之末也。文王受命不年而崩。今

天下太平。故承其意而告之。明六年制

禮作樂。

通詩只重贊文王之德上以純字作骨。駿惠字爲字。俱根純字來。

天之命自元化推行言不必以賦予萬物爲命。天命聖德並言。還重合天意。若說天命不已。是提出文德源頭。又分命與德爲兩層矣。不已與純乃天道聖德之實處。於穆不顯只贊嘆之詞耳。然亦須蒙於穆渾上說到不已上說不顯亦然。不已者玄機之所運。循環無端也。文德全以本體論純只是如其本體不曾有一索人欲之雜而已。不雜即無閒。即是不已。

嚴氏曰。凡言聖人如天者。以此擬彼。天與聖人猶爲二也。

此詩但以天命之不已與文德之純對立而並言之天之  
為文王耶。文王之為天耶。豈有不容提議者。

於乎不顯文王之德之純。即大雅所云穆々文王於緝熙  
敬止也。穆々正與天命之於穆相應。作豈不顯者者非  
假以溢我從已之欲入德而未能來亦止為德盛者澤必  
長故深望其恤耳。不作疑詞者亦不專就祭時說溢者啟  
佑後人之意也。收之句連下句一氣說。謂受其恤而順我  
文王之德以行不敢有一毫拂戾也。篤者對我而言我既  
順之後王又順之世々相聚便見厚矣。○箋云魯猶重也  
自魯孫以至無窮皆得稱魯孫。

蘇氏曰假大也。箋曰溢盈溢也。則假以溢我。是文德大而  
其降溢以及我之義。○箋又云。以嘉吳之道。饒拊與我。  
其聚飲之以制法度。以大順我文王之意。謂周禮六官之  
職也。則假非聲轉。溢非字說。今即將假作傲。如義翦。亦還  
比何以為直哉。

體之身為德。昭于天為神。垂于後為道。然詩中無此許多  
名目。不如只一德字為渾成。

維清序曰。表象舞也。○劉氏曰。文王之舞謂之象。

武王之舞謂之武。特舞象則先歌維清。

清是奉行昭布之意。與熙字義同。緝熙重在緝上。謂清明。

之有常也。典是文王致治之典章。清精神所運用。不必將  
禮樂政形填塞聲經。自武王有天下。始紀文以王。禮時言  
迄今中。包成王意在。不可以創守。早入用。謂用文典也。有  
成治功成也。頌即在有成上着。蓋據已然之治功。知其為  
萬世太平之基也。正見其常清明緝熙。  
箕以象舞為武王所制。象用兵時擊刺之舞。則聲經這用  
有成當尊重創業。

烈文 序曰。成以。即敬請侯助祭也。○儀禮賓三獻  
尸之後。主人酌酒獻賓。歌烈文。

全肯重報功上勉之以力于道德。正念其功之深意也。



烈文如云其文炳也之義然字正贅文字為國君故稱祿  
舉五等之貴故稱公社福自王者身上言保之二字即指  
社福言三句作一氣說勿以子孫保之為無疆之實  
無封是守我周九賦之法而取民有制無靡是遵我周九  
式之規而費出有經崇是尊禮褒賞之意此二句不重只  
以平日在國之盡職引起助祭錫福之功所當報耳經序  
其皇謂繼諸侯相傳之序而益昌大之也  
無競曰句與柳詩不同從重感入此重無競不顯道即日  
用藝倫為天下所共由故泛言四方德是人心所同得而  
臨民御衆所當盡者故專言百辟註中先王之德已兼道

字。曰用此道者。猶云用此術也。前五不怠。即廟祭時。對越  
顯齊。如將見之之意。是近指其思慕前王之志。來歷歷然。  
使其惕然有感。却不曾說破勸勉意。  
此詩後兩節。只是念勸祭之功。而前述其在國。後勉以不  
怠。結氣猶然。

天作

此詩首尾要重。在太王以岐山興上。荒之康之保之。俱指  
高山言。天作二字。與作邦作字同。治荒而謂之荒。猶治亂  
而謂之亂也。荒如救四居民等事。即下所謂彼作此句最  
重。康以治岐之政。言康在太王下。就被祖二句。要入太

王上承天命。中故文。積意有美之行。不止言通。時直是彼。同維翰氣。象子孫所積者。遠保。謂德以世其業也。註中當字要看。正從太王創業艱難來。

吳天有成命

此詩頌德。全要語。一心字。蓋不敢康之心。分明是敬止。敬勝真傳。二后受命。亦本于此。言二后之受命。正起成王之保命也。有容德足形容其心。上外無德矣。積德便是基命。盡心盡其鮮然之心也。正與不敢康相應。

成命是一定不移之意。不敢康直是所其無違。與所其承。夜敬止是也。德。于此命承于彼。如有憑藉者然。故曰基。

命此亦是後人追補語。若成王當日但見天命靡常。不知何以祈天而已。宏深茫然無際。淵乎不測也。坤寧機誠渾然毫末。慘漏也。全在心上。省單字作完滿看。與盡性之盡一般。靖者。政清刑平。禮陶樂淑。天下皆得休息也。肆字就成王時言。蓋原注保其所受之命。是對二后受之說。不應認是後王。

我將

詩肯全以天為主。只因宗祀文王以配。故即因文王以通天之享。說文王右享虞。可補出天來。若冀天又畏成保之虞。却不免該補文王。道玩自見。

明堂之禮。自我義起。所以美天之享。而又不取適必美。車  
二我字最有深意。却不重在射親。

齊氏曰。以天道事之。則潔精以為席。陶匏以為器。蕭秉之  
牲掃地而祭。所以尊之也。以帝道事之。則牛羊以為牲。豆  
羞以為器。絜俎之實。其薦用燕。所以親之也。

奉而進之曰特。異而獻之曰享。維羊維牛。要見禮儀。其備  
與罔立不同。意雖天其右之。真望居多。我盡誠敬以尊神  
曰右。神鑒我而顧其薄奉。亦曰右。不必泥是牛羊之右。  
則象肖之為儀。矩矱矜之為式。顧畏持之為利。月靖四方  
日以此典靖天下也。法典即所以月靖不作兩層。此是文

王求寧觀成之本心。故知感格有素。伊緹祭時稱仰之詞。也。既右享之。亦是奠望之語。不必泥註中必然意。天威即陟降日監。及爾出王時折意。時保時字。送風夜生。來右享與降監有別。右享自神享之言。降監自神意之鑒。其誠言。降監又原右享之意。須知首節詞氣便凜。有畏天威之意。風夜畏威。只是常存此念。常法文典。以清四方耳。保之亦不敢恃為可保。是心上思想如此。

時遊

此詩以吳天子之福。主首以吳詞發端。次言子之。上實未。時保所為子之。上命俱自地付一時言。

時適其邦。言乘千戈肅定之時。周行方岳。以舉巡狩之典也。此乃肇商之後。最終一巡。勿泥註周制十二年之說。亦勿認時為春東夏南秋西冬北之時。字之以命。為神人主言。其字勿泥註不敢必意。蓋此時已為天子。特自其一合祈天之心而言耳。

此二句是下文綱領。朝會祭告。正是時適中事。子之內就包得下。右序維后。意接二節。兩允字。政與此其字相應。崇望者。靖崇以祀天。望秩以祀山川。崇望之屬。望而祭之。故曰望。各該于巡狩之方焉。

右以尊臨臣民言。序以承受曆數言。實字一直貫下。震齊

有我動之下震字。則彼有震動也。震之。猶未是慶。像黜陟。只是朝會舉而示以更始之意。震疊。是天下諸侯。尊者求。信其善。惡者未知其惡。皆悚然恐懼也。懷訓來。是來格。來享。素訓安。是無恙無忒。靠我去懷柔他。說及字中。則有神為我懷。為我素意矣。百神該得廣。河岳特舉其大者。末句。揔承說。正與實者。序相應。

明服有周。要見天啟其運。以為政教更新之會意。式序按。典章以定其功罪之等差也。重。在序上。此樂亦即行于諸侯震疊時。與虞廷考績法不同。玩註該揭起此句。歸盡在求懿德。不必分收歆。立說。整絕。如綱常倫理民彝物則。代。



所同有。以爲天下獨能。人多喪失。故曰。我爲求之者。祐  
益字。正與既字相應。蓋武庫則善惡已明于天下。而又求  
美德以布之。故曰。益求耳。既去肆者。張設之言。  
樂記曰。武克定天下。其兵包以虎皮。示不徒用。  
書武城。庚戌。柴望。大告武成。此所謂祭告懷柔也。昭我周  
王。天休震動。所謂莫不震疊也。庶邦冢君暨百工受命于  
周。則式庫在位也。偃武脩文。歸焉放牛。則戢干戈。櫜弓矢  
也。建官任事。重民五教。博信明義。樂德報功。則求懿德而  
歸之也。

執競

聖哲德是顯三后功德之盛。而及祭祀獲福之隆。以君節  
作主。不必將祖功宗德分着。蓋執競同即是德。是皇何嘗  
非功。禮樂一時事。福祿一樣者。

執競以心言。敬勝怠。義勝欲。不沮不忘。是也。不妨帝助上  
帝。授民水火。念頭說。發強剛毅。是以有執。便是競。非有  
不自強不息之心。而又有一心以持之也。不顯以德之明  
言。成之基命。宥密。緝熙光明。康之對揚光烈。率循大猷。是  
也。上帝是皇。緊靠顯德上說。註亦字對。武王言見二王之  
為君。亦天作之。典武王之聰明作后不殊。非若尋常中文  
之主。絕新氣象而已也。

自鼓成康三句、蒙上不、頌兩字、而登頌之、各有四方、重在德之無遠、弗屆上、蒙屬斤、其明者明著、周全由心、休上一、移不、辭而、就君臨四方上、說、便帶言禮樂文章、經綸潤色、亦無不可。

禮上者、鍾以宣之、鼓以節之、無奪倫也、特上者、聲以教之、管以間之、無德遠也、包八音在內、要見三后功德、宣稱其中、意降福重在功德之盛、是以禮後上。

簡上雖承、標上來、而大典多亦自有別、降福已是二祝致告之時、威儀反上、猶是式禮莫愆之意、宜玩注意益二字、辭飽就尸言、反者福而父福之謂也。

思文

此詩大意是就后稷養民功用形容到極處以思字為主。文者經天緯地之謂此一字便照陳常取義配天言德與天同大。冰言可配天以祭也。極字不但應烝字直情攝到末句人知后稷之養民不知實開穀化之原故特表之。主我烝民四句一直看下就百穀中舉來牟者以薄稷既後新穀未升祇得此以續食則生養猶有不過也。率序且與烝字相應。重率育不重帝命常道該得廣君臣父子其大者陳字甚結但就五倫中人相生相養處看自見冰此後自陳之也。且與思文相應。

績高之績。則見司空之功。待後以終。陳常于時夏。則見司  
徒之績。待後以始。

臣工

此詩以敬公為主。答茲成法。正所以敬公也。次節承此中  
戒弊。緊在維募之春一句。

臣工即是衆官。如鄉遂有司。稼司農。都鄙有司。墾田正之  
屬。但須說得寬大。成法。雖即下及時脩事意。所該尚多。須  
會王言。發端大休。整爾成。此時始定為法。以賜之。冰先王  
之成法也。二來字不重。容是稟受而行。遵其科條。若是量  
度而行。盡其意義。統一悉心遵行。不敢應以其文之意。

箋曰保介車右勇力之士被甲執兵者。月令孟春天子親  
載耒耜措之于參保介之御間。戒保介即以戒農官。如  
禮田有歲易故有一歲三歲之別。新畬難治故首問之。如  
何二字正是求包許多人事在內。於皇七句一氣滾下只  
在將字。迄字奄字上形容時之易至。以見當亟于來時急  
來年不必粘新畬特出。來年之將熟以驗康年之將賜。見  
新畬之當亟治耳。厥明指來年說。命衆人農官命之也。錢  
鉞也。所以啓土。可用于耕。鉏也。所以去草。可用于耘。鉏  
短鎌也。可用以穫禾。鉏艾用鉏以艾也。奄觀鉏艾緊打着  
迄用康年。

噫嘻

此詩稱先王之戒命責農官以盡職重一車字

昭告也格至也至爾農官而昭告之也車時以下作一氣  
說車是統車督車之意猶上章所謂命而衆人允欲構必  
先耕故以構厥百穀引起駿發鄉遂之地田不井授則溝  
洫之內皆為私田不與公田對說十千所耕即發此三十  
里之私也萬夫比耦而耕實五千耦而并力齊心如一耦  
所以為駿發不可以地與人分者三爾字皆指農官乃著  
責成字眼蓋田皆爾之田耕皆爾之事安得不務所以  
車之

按周禮里宰以歲時各親于鄉以治稼穡。鄉以時之十千  
維耦也。司徒掌巡邦野之稼而辨種種之種。司如共名與  
其所宜地以為法而懸于邑閭。即以此討之。既昭假爾也。天  
飭使官治農而王者治官。所以舉里遂可知。川舉川還可  
知天下。

既義曰。倡民力者莫如私。所為出于天下之公。則視之為  
不給。惟視為一己之私事。則齊心并力。不期然而然矣。

### 振驚

上節擬其容之員。下節率其舉之生。各開說。人只為求其  
相貫。所以總維則統上。終是率強子。以為此只是一見。



新。破。瓦。其。將。來。之。永。無。開。言。耳。為。先。代。後。主。高。自。應。知。  
是。即。如。有。客。一。篇。亦。不。說。出。德。字。

斯。字。指。驚。之。潔。句。言。客。就。助。祭。時。動。容。言。客。是。尊。之。一。詞。  
我。是。親。之。一。詞。犯。宋。儀。物。原。仍。忠。質。之。意。而。助。祭。又。秉。精。  
白。故。借。驚。之。客。以。足。之。語。意。便。合。喜。幸。微。逗。下。無。殺。意。  
彼。謂。彼。國。兼。臣。氏。說。此。謂。王。朝。兼。君。臣。言。無。惡。言。愛。也。在。  
婦。之。為。君。上。見。無。殺。言。敬。也。在。尊。之。為。客。上。見。皆。已。然。東。  
風。夜。者。循。環。無。窮。之。意。也。底。矣。是。喜。幸。之。詞。不。作。期。望。說。  
味。之。實。有。勸。勉。深。意。溢。于。言。外。

幾。終。卷。正。所。謂。愛。人。以。德。成。王。告。微。子。曰。與。國。處。休。也。

世孫窮又曰、伴我有周無敵、皆此意也、

按史記世家、武王求禹後、得東樓公、封于杞、其後則初封武庚、後以叛而誅之、更封微子于宋、

註有事勝焉、有喪拜焉、是天子有事于宗廟、則歸之勝、杞宋來弔喪、則天子拜以謝、

### 豐年

此極言豐登之慶、以見當舉報賽之意、以豐年二字為主、年若不豐、非早即澇、早不宜禱、澇不宜禱、多黍多稌、可例其餘、所以為豐年、萬億及祿、皆就廩言、正是多字之意、酒醴正此廩之所藏者為之也、界祖妣、是宗廟之祭言、看本

文以洽字面、則所謂百禮、即是灌將、妥備、求神、獻尸之類、而註解作備字、則九卷老燕賓、皆舉之矣、即以祭祀、終享、開者、亦不妨、降福、就方社、田祖、說、尤皆、即在上數句、內見、有聲

序曰、始作樂而合、字祖也、○凡樂以昭德、象功、始成之時、不知果否、每忤、故奏之、而合乎、祖、而觀其感、格、何如、以驗樂之合與否也、

通詩俱在樂上、論惟先祖是聽、一句、見合格于祖之意、宜、以、墮、厥聲、二句、為主、

有聲、有聲、如有容、有容、之例、周禮有上聲、中聲、下聲、又有、相之、虔、是廟庭、聲在周庭、所以和音、律感神人者、皆、

在是。故曰。總叙其事。

設業節。重備器上。亦已。兼奏。設業二句。以業為主。業所用。以懸。而業下有簋。則持物以載業者也。業上畫以崇牙。掛。以來。明時所以飾業也。應是小鞀。取相應以成聲。田乃大。鼓為衆音之統率。此有與之簋。業上者。故曰懸鼓。有夏商。禮臣之制。自此一變意。執以節樂。終以收與。祝以起樂。固。以正樂。皆樂器之大者。既備管上。數者。看乃奏。分明是已。奏。但未言其威美耳。蕭管併舉。又從所奏中。抽其小者。言。之以見無所不舉也。

煌。是。黃。胡。輕。蕭。即。所。謂。儼。如。雖。而。所。謂。純。如。兩。件。合。看。

繞是和鳴。先祖是聽。金奏將將。揚祖功。亮昭宗德。美其精神。  
意氣。默然相合。上說永觀厥成。不可說是九成。武案止六  
成而已。我客統承先王所用之樂。皆大聖人之至樂。後有  
作者。宜難為觀。而今觀之。忘倦。則樂之矣。成可知。起重在  
和鳴之五。以格祖上。

淋

序曰。潛季冬為魚春獻餼也。○箋曰。冬。魚性  
定。春。餼始來。故此時薦之。此蓋一詩而兩用。  
昨一時而兩祭。

薦魚取諸漆沮。有不忌。本之意。潛水之深。嚴也。法積柴。著  
魚及薄圓取之等語。似看漆沮成小。不必泥有鱸二句。正

見其多、不重在色、享祀薦其時食之意也、須知薦與祭不同、祭于廟、薦于寢、祭有常期、寢無定期、青魚者、試而驗之也、冬日既寒、魚不行孕、性定而既肥、故皆可薦、季春則惟薦鱸而已、講享祀介福、俱要切嘗魚、

雞

通詩重在得諸侯以奉祭上、一石字最重、末二節止是歸美先王之德、不作奉祭之由、

有來至止、勿分來在途、至在廟觀、注只言諸侯之來可見、相惟辟公、言以此和敬而相天子之祀者、實惟辟公也、穆穆中、有一段端然、默然通于神明、至意、昨謂得諸侯之相、

遂不須和敬也。但未可以敬指名耳。辟公天子俱是着  
力字。而末節右字全在此看。

薦廣牡是諸侯助天子薦之也。即是相羊肆祀不必泥定  
先辟公所進之牲薦牡相祀本庸。雖說曰予肆祀則  
天子之穆亦在此時。假哉皇考二句通承上文來。饒子  
當作幸詞不作翼辭。蓋此詩是維祭時所歌也。上對辟公  
言。故曰天子此對皇考言。故曰孝子。

宣訓通以心之虛言。哲訓知以心之靈言。文以微柔言。武  
以剛健言。宣哲便是維人文武便是維后。不可說惟宣哲  
斯盡入道。惟文武斯備君德也。本文只言燕皇天而註就

及字着出安民。蓋天以安民為心。民安則天心安也。是昌  
就文王得天眷上。說后即武王自言。但不須指出。  
綴我介我。蒙昌後直下眉壽。自末年受命言。繁祉自茲為  
天子。固有四海言。俱作已然者。右謂尊以天子之禮樂。而  
轉得諸侯以助祭意。文母只帶言。

東坡

此詩當以率見昭考為主。而從從入。說說起。蓋諸侯之來  
本為來朝。而是詩之作。則為助祭也。  
厥章是禮樂刑政之屬。自昭考時已頒為世守。而樂永于  
新王之朝。若其申求之耳。要見奉辟王之命。即以欽昭考



之重。隱之合。着下意。旂畫以交龍。故曰龍旂。建之車上。懸鈴于竿。而和則在執前者也。倭革有金以厄轡首。故曰有鶴作三件者。烈光承上等威物。未言有昭君賜。揮上調。率字以字俱重。辟王身上。孝者孝思。內畫志也。享者獻享。外畫物也。俱主天子紀昭考言。所謂合天下之孝享。為一人之孝享。

以介眉壽三句。平。從上孝享。落下。且不須祝。諸侯為我格先。而介之眉壽。是未然事。多祐。是已然事。獲壽以保此。見在之福。便是純嘏了。重。在綏上。綏以自諸侯致之言。俾綏。自使我得之言。惟諸侯綏之。是。以使我得之。昭明也。

稿本昭明不結則晦矣

有客

此詩為微子始封于宋來見于周之祖廟而作。蓋齊人必于祖廟故來見也。全以有客一句為主。當時為國共臣而獨有于周為客者。已見禮遇之異矣。是以篇中多道主人挽留及尊禮之意。末二句最有深情。

有字亦字有欣然創見之意。不必將馬與儀與旅分作三件。亦不宜以所乘之馬對所從之人。只從馬開。落到人上。見無非可愛。為得。箋並就旅言。謂箋並然敬謹者。皆選梓而來之祿也。邈然。是治玉之名。箋所謂以賢美之。故玉

言之也、非選擇無以得此、故即謂之選擇。全要得祿、全  
人快觀光景。

宿、信、即是一宿再宿、蓋因其廟見既畢、歸國在即、而  
計其留之不久也、繫其馬、只是欲其不止、信宿意耳、慢說  
出輻字、就馬與不追之、皆是鼓詞。

追之、以身言、緩之以心言、曰安而留之者、謂安其心而  
之也、既有濟、咸二句、說周家待他優異、正是緩之、功要  
語、咸等咸也、即所謂福、自微子得之、曰有、自天子與之、曰  
降、夷、然易與大二義、易者、無所顧吝、大者、莫與比倫也。  
註云、用天子禮樂、如大輅之車、太常之旂、雅奏朝廷、頌奏

郊廟之類

武

序曰奏大武也。○此大武一成之歌。蓋以歌  
節舞。非奏也。

此詩重在武王能嗣文王之文以成大功上。以安民為主。  
蓋人但知武王以征誅得天下。不知其以止殺為武。正其  
善繼述文王盛。故特因象成之樂。表而揚之。首末烈字功  
字相應。俱自王業一統撫世御極言。

無競惟烈。澤合安民。意思尚說不出。乞文字可求。全在  
親民如傷。不忍發天下之殺機上着。克開以脩和有夏。解  
軍却家言。嗣武受之。言武王嗣文之後。而受其所傳之緒。

也。造朝近多。是止。故之。後。周。為。直。義。但。在。止。于。故。而。起。  
下。之。疑。後。未。盡。消。融。則。止。于。此。或。發。于。彼。及。似。有。必。止。疑。  
之。義。而。舉。克。殷。後。反。商。一。段。精。神。盡。行。抹。殺。亦。恐。非。來。成。  
本。肯。還。放。開。說。為。是。但。勿。泥。定。示。不。復。用。耳。昔。字。接。明。字。  
氣。脈。來。應。轉。無。乾。離。烈。

書。武。成。我。文。考。文。王。克。成。厥。勳。誕。膺。天。命。以。撫。方。夏。惟。九。  
年。大。統。未。集。予。小子。其。克。成。厥。志。○。此。正。與。此。克。開。厥。後。  
嗣。武。受。之。意。同。

樂。記。孔。子。與。賓。牟。賈。言。夫。樂。者。象。成。者。也。總。千。而。山。立。武。  
王。之。事。也。發。揚。蹈。厲。太。公。之。志。也。武。氣。皆。坐。周。召。之。階。也。

且女來聞殺野之語乎。武王克殷，反商，庶民弛政，庶士倍  
譟。濟河而西，馬散之華山之陽，而弗復乘；牛散之桃林之  
野，而弗復服；車甲碎而散之府庫，而弗復用；倒載干戈，包  
之以虎皮，將帥之士使為諸侯名之曰「建櫜」；散軍而郊，熊  
左射，組首，右射，踴虞，而貫革之射息也；裨冕捐笏，而虎賁  
之士脫劍也；祀乎明堂，而民如孝；朝覲，然後諸侯知所以  
匡輔，然後諸侯知所以敬；食三老，五更于太學，天子袒  
而割牲，執爵而饋，執爵而酢，冕而摠干，所以敬諸侯之第  
也。若此，則周道四達，禮樂交通，武之達久，不亦宜乎！此  
分明是勝放過劉著定爾功，杜絕以此知認止殺為止殺。

是篇者其說為未盡也

閑子小子

此詩以思緒先序為主。蓋以免喪朝廟則得致祚而有天下國家之責也。重在夙夜敬止一句。

開口說个閑字。含許多懷愴。其可閑在下二句。國家新造未集。又以皇考即世。終在哀疚之中。豈不可閑。此三句就有懷愴。序之未能意。永世克孝以續緒緒。述言不言已。正合皇考。而但追想皇考之生平。正是念之真切處。念茲二句。連上文說。正見其孝之永。念字最重。降降處止。即此念所呈露。須知念不是懸空思。想乃思慕其所存者。

而法之。故常將見其形容。與之相接也。無時不念。即無時不敬。故遂以自己勉敬來之。夙夜二字連說。敬不單是思念。在經志述事上說。

記曰。致愛則存。致慈則著。存不忘于心。失安得不敬。於乎皇王。只是命與之詞。序者。王業相承之次第也。繼序思不忘。謂我思繼此序。而不敢以怠荒失墜之也。不忘精序言。而全在思字上領出。惟所思如此。則夙夜念重考。有不客己矣。

訪落 大金云。宮室始成。則落之。故以落為始。此詩以率諸。昭考一綱為主。要會諸于羣臣。誰竟方康。



要通暢者難之。況見昭考未易率。而又不容不率。此  
始處四句接之。

訪予落止、進群臣而咨謀于誰、改之始也。昭考之道、即其  
情之身而極之。天下國家者、率謂循此而行之。艾之為言  
盡也。未有艾、本德哉。茂來、惟其通達故然。不能究其盡  
處、未艾而勉強以就、則求合而愈見其離矣。繼字對就之  
之初、念言判者、離而不合、渙者散而不凝、四工夫不能歸  
一言、離字二句承上起下、見率循之功、不得因難遂止。然  
字應上率字、貫至厥家。正是隨事体達、非謂達難及。但此  
其事也。庭家分治、國齊家齊、休者道之餘休、休者強履有

所憑藉而不殆。明者心志有所開明而不迷也。此正是虛  
昭考而賴其休戚。亦只言自己。所期如此。若其所以克紹  
者。正有待于群臣。

敬之

此詩通用成王語意說。以敬字為主。而歸重于末二句。豈  
幸得群臣敬其端。尤終賴群臣竟其說。庶可要敬之全功。  
而祈天永命。終必賴之也。

敬之句重看。是一篇大旨。就心學說。不可認是敬天。下文  
只稱天以聳勗其敬耳。天命一串說。惟天道于敬。肆甚明。  
故命之于壽。難定也。陟降厥士。使目監在茲。一氣說。不作

兩層。凡言陟降。即是無時不然意。此二句。正見天之顯。而命不易。保在其中矣。何可不敬。

不聰以質言。謂不能自知顯明之德行也。因齊生怠。如何能敬。日就二句。皆是一學。不必說是學。蓋學則自然。熒也。就是造就。進是精進。是言學之進益如此。緝字從日月推出。應字從就將得來。光明是此心不受纖塵之本体。應印是其呈露。緝之則復其光明之常体矣。到此地位。即是文王之緝熙敬止。不可依疏義以光明作聰字看。仔有以。疑命言示我顯德。便是佛時仔有處顯德行。對微詞涉論說。與光明亦非有二。但學求諸已。則自心体言。學資諸人。

則自德行亨

嚴氏曰佛謂之彌者言救正其失不順從之也

輔氏曰心地本自光明只被私欲昏了今所以為學要令其光明處轉光明所以下个緝熙緝如緝麻之緝連緝不已之意

周公之戒王曰皇自敬德曰嚴恭寅畏天命自度召公之語曰王其疾敬德曰王敬作所不可不敬德曰惟不敢厭德乃早墜厥命即是此詩首節之旨王有感而述其言蓋不欲托之空言而欲踐之實事也

小毖

序曰嗣王求助也○箋曰三監既誅周公

政成王受之而求賢臣以自輔助也

此詩以首句為主而求取意只見于末二句

懋以已然言。望以未然言。知。懋。即是。能。望。不。其。二。字。有。悔。悟。自。艾。願。與。廷。臣。更。始。之。意。勿。泥。註。何。雨。字。看。莫。予。四。句。一。氣。層。疊。說。下。勿。將。信。使。開。看。蓋。信。之。所。以。使。之。也。莫。予。二。字。正。與。自。求。緊。相。呼。應。而。聲。先。二。句。則。指。一。不。可。信。之。形。狀。以。見。不。得。輕。信。如。云。莫。要。自。家。使。蜂。自。家。求。螫。起。初。信。桃。虫。是。個。桃。虫。及。其。拚。然。而。飛。乃。是。個。大。鳥。此。明。指。管。蔡。事。但。講。中。只。就。蜂。鳥。發。揮。而。正。意。自。在。勿。作。喻。說。多。難。集。夢。俱。指。辛。螫。拚。飛。禍。忘。說。但。上。句。重。在。勿。冲。未。能。甚。

此以跌出集蓂之更難堪耳。集字有萃聚之意、不止一事、為然、取之云者、凡可以謹始慮終之道、無不陳也。

載芟

序曰、春籍田而祈社稷也。○箋曰、籍田、句師

氏所掌、王載耒耜所耕之田、籍之言借也、借民力治之。

此詩首節至及秭言稼穡之事、為酒至其寧言豐年之慶、末節從承二意、而推其由來之遠、玩振古如茲句、似是祈禱語意。

載芟二句、畧言春耕事、千耦二句、畧言夏耘事、

其柞末即是耕、蓋將耕而先除草木也、土之解散、固由先

除其梗亦因凍塗耕而土膏動周官籍氏掌殺草秋繩而

芟之繩耆孕謂含實也芟其絕則不成莠矣

箋曰限謂新發田也吟謂舊田有徑路者或租限或租吟

言耕夫遍野無曠土也○箋又以耘為只耘去草木根株

則仍是了芟非事似于承上起下為順

侯主三句是悉數其耕之人未便說到耕上強有餘力謂

其人強壯治一夫之田仍有餘力能佐他人田事也有賁

句只帶在鑑上看思如二句間一點綴分明畫出春耕光

景若說婦何以依夫何以媚却淺而俚矣賴未首斲木為

之

播穀承上敝載來由耕而播由播而生由生而收田之漸  
次自是如此。非必專為夏耘張本。但意則直起綿其底  
耳。實字以穀種言。函活是生意萌于中。達是生機暢于外。  
輝有接續之意。係即在達中見之。殿上疊上有殿正當  
盛而可耘時也。詳密與莊子所謂滅裂相反。

酒是三酒。禮是五齊。為酒醴。賁下祀先尊賢養老三件。祭  
有十倫。其禮實繁。而皆以酒行之。故可以洽百禮。飲其香  
香如飴也。椒其馨。正如椒也。皆酒醴芬芳之氣。邦家設燕  
享之禮。使英賢畢集。便是光顯處。非必借光仁賢。寧亦不  
必是滿塘胡考。但看執觥而饋。執爵而酌。便已取矣。按



海岱民齊父曰昔已上三事通義朝廷言  
匪且二句雖最事重年分貼却是一套事互見之重匪今  
斯今邊以起振古匪且者言非獨此天下也不是說一方  
字重疊年上若作祈年看則是自古有年所賴神休已  
久而今當更錫之年也

良報 庠曰秋報社後也

通詩疊二說下即有次第重報賽上宜以末二句為主此  
與載芣皆止頌農功之有成而神現在言外  
與訓嚴利而加以嚴者極其錫利之意也措殺二句  
帶在講上說

茶是陸草，蔞茶以蔞穀之宜高而寒者，蔞是水草，蔞蔞以蔞穀之宜下而暑者，以字蒙其筮二句說。

積之粟，與其比，如搗俱以積之密言，而意實有別。凡純穀多，則穗頭撐起而不密，粟則密矣。此就一堆而言，如搗，是在場堆數密，比如此以衆堆而言。開百室者，開以入穀也。四間為族，一族共計百家，計畝均分，故各開其室。奉一族如此，無綫不然矣。

盥止謂皆已入穀也。寧正謂俯仰無虞也。要見得豐成氣象，有含哺鼓腹意。

同人尚赤牲，用騂此祀方社，各用其方色，故用騂牲有求

其角取其体之正也。傳曰：社稷之牛角尺似者，踐其迹而不連續者，繼其統而不絕。續古之人，不重在祭統而素之。遠只重自古有年。見今日之祭，不容不奉。  
記曰：君無故不殺牛。此曰殺時犇牡，蓋周家之重農如此。

絲衣

詩柄云：祭而飲酒，是儀禮賓三獻尸之後，主人遂獻賓及宗人之樂歌。而宗人視濯視牲，實在祭之前夕。蓋于獻酢時，通叙其始終相視之敬，而歌之也。通詩以敬字貫要本王者主祭說，凡士之敬皆王之敬，而獲福亦是與王休同。  
絲衣者，玄衣纁裳，皆以絲為之，爵弁其色赤而微黑，如爵

頌然士冠也。大夫以上則帶冕。此二句不重。只言服絺服  
之人而已。自堂三句是將祭而行。礼有序。兕觥三句是方  
祭而飲食有儀。初省牲。次省餼。俱要說代主人省視。一如  
主人躬視意。三告皆告于基。者廟門內西夾室之基。與  
西階相直處也。註所謂塾。即是夾室。祭禮壺設于東序。蓬  
豆銅陳于東房。几席及敦陳于西廟。士則升自西階。至東  
序視壺。濯入東房視蓬豆。及西廟視几席。畢則降自西階。  
牲于基。以告主人。曰濯具盥盥及蓬豆之類。告濯几席不  
洗者。告具而已。牲与鼎俱在門外。鼎正當門。居牲北。牲居  
隅南。少近西。士然門外視牲畢。乃反于基。告其充肥。又出

門外奉鼎幕而視之，然後還入于基，告鼎之潔，蓋此時主人立于基不動而自堂而下，自外而內，皆士代之往還也。兕觥二句，正詩柄所謂祭而飲酒，不異以笑語言，不教以禮儀言，總是一不敢慢神之心為之，亦休王者奏假之思也。夫以旅酌交錯之後，猶若視濯省牲之初，固宜神降之福矣。

或云註中壹濯二字，是盥洗盆，與洗滌之濯不同。

酌

序曰：句告成大武也。○或曰酌句也，句即薦

也。兩則十三舞句，以此詩為節而舞也。

此篇重在時字，武頌止殺句，頌適時，蓋窮兵殲武，不足以

為武達天俾時亦足以成功

於錄四句、乃重在純熙用介一邊、而欲識武王心事、却在  
遵養時晦處看、於錄以氣燭言、照大介說、遵謂守而不動、  
養謂蓄而未發、時晦、天命人心未盡歸周、如晦昧熙及其  
盡歸于周、則周之時、遂若光輝赫奕、不帶一毫晦色、所謂  
純熙也、須知遵養全不着意、使時當終晦、則師亦終于不  
用矣、用介正用此於錄之王師、龍受二句、作一句讀、  
王之造、謂王者天下大定之功也、  
見此功自他創造起來的、惟其矯々、則後人受之者、榮光  
莫加矣、故曰龍受有嗣、蒙王造來用有嗣、則照下師字、師

其事者、師其時行時止也。武王事。何可輕法。而時中之理、與時偕行。即如成康繼武王。一味緝熙對揚。與民休息。止是其善法。虞、夏、商、革損益其小者也。易曰。湯武革命。順乎天而應乎人。泰誓曰。予弗奉天致罪。惟塲此。可以參純熙用介之旨。

桓

綏。定。二字。是章旨。見武王始終能安民以來天也。歸重在用賢圖治上。

綏萬邦二句。是伐商時事。用兵而曰綏。以及萬邦。則人心和于下。天心應于上。所以不凶而豐。而且屢也。天命

句承上起下是不止命之伐暴安民而尚欲其常保天下  
意。拉、是呼過之詞。保有三句、一直說下。厥士乃同心同  
德之臣。即前所以綏萬邦者。保有是愛護而信任之。以  
全依其用意。蓋從下分封四方上推原出來。商周時尚無  
後世鳥畫考藏薄德不必照疑忌說保。予以四方所謂列  
爵分土也。厥家正自四方言定厥家正使萬邦永綏之意。  
於昭于天。與天命匪解相應。蓋天方欲命其如此致治而  
此遂能垂示之。質之天為無負也。皇字是承上嘆美之詞。  
聞字方帶君天下說。

書曰、建官惟賢、任事惟能、即保有厥士、予以四方之謂致



治馨香，感于神明，即於昭于天之謂。

齊

序曰：齊，大封之廟也。齊，子也。言所以錫子孫人也。

此詩當以安天下之意為主。重敷時緯思二句。通篇是武王託意中事，故開口只說文王。二我字，如武自言，則武之德在其中矣。

勤勞天下，指求寧吉，應到當是適當其後意思。受而有之，受其勤勞之餘烈而有天下也。緯思不當主功德說。正理上地人民皆其勤勞之可思者耳。以此封功臣，便是布其德，不可緯思我祖惟求定。如云我欲諸臣往而求天下之安。

定也。是后人推武王意欲如此求定。即是文王勤勞遺意。時周之命止承二我字言。再一提醒。以警惕諸臣。見非彼商之爵及惡德也。於緯思有勉之效。職意在。惟可緯思者在文王。則當緯思者在諸臣矣。語意正相呼應。

般

序曰。巡守而祀四嶽河海也。○曹氏曰。般。取

盤旋之義。巡狩而徧乎四嶽。所謂盤旋也。

此詩以哀時之對為主。重朝會上。陟山道河。是言祭告而朝會在其中。數天二句。正發其所為朝會之意也。登高。以崇望也。柴紀上天。望祀山河。陞山喬嶽。正是高山不作三標山。亦不可泥定是中岳。只大都說所陟之山。

如崇翁河不重河神之感格效順只取由翁順之河以同  
四方之岳耳數天句中要點諸侯翹望新令之頒以起下  
對字意哀時之對如脩五禮輯五瑞協時月正日同律度  
量衡之類不作慶讓黜陟說時字指方岳言聚者諸侯各  
聚其方岳以朝非盡天下而朝于一方也以我聚諸侯言  
命就命令說再言時周見今之因朝會以布之方內者乃  
是一代新命欲令人洒然易慮知所遵守

魯頌

駉

通詩以思字為主蓋詩人原是美僖公之善思而只舉一

馬政以驗之耳。無疆無期無數無邪亦無大分別。各章上思字所包者廣。下思字以指馬政一事。減才等字各應上彭伾等字看。

在垆之野。野民居及民田也。薄言駟者謂馬之衆盛不可盡言。始自其駟之在一乘者言之。下四馬正一乘之馬也。故遂承言以車彭。以車以之駕車也。彭。只言盛大之勢。伾。則言筋力之強。解。是長駕遠馭無厭之患。祛。是強力矯健無委頓之虞。馬之盛還見于彭。等字上。羃色之不齊。特以驗其多耳。

騊黑也。騊解開也。騊者所騊馭之處。黃白曰皇。黃而微帶

白色駢者赤色黃駢則黃而微赤者也。止一毛色之中。自有淺深。雜毛則是二色相間雜矣。周人尚赤而牲用駢。是駢為純赤。黃曰駢。謂赤而微黃也。駢青而微黑。即今之驄馬。驢駢驪。雖多以鬣言。驪駢驪魚。各帶白色。駢為赤色。惟其黑鬣。故不曰駢而曰驪。駢訓形白。雜毛形赤也。今赭白馬。驪訓毫肝。脚脰也。蓋膝下之名。傳曰諸侯六閑馬四種。有良馬。有戎馬。有田馬。有駑馬。篇中言牡馬者。亦是定中華駢牝之意。

有餘

通詩以于胥樂考一句為主。而歸重自今伊始四句。在公

明、而是以言舞。在公飲酒則接以醉歸、主言亦俱有法。宜以嚴而恭、和而節、立說、頌禱中尤有交做之意焉。此明是臣之所作、意重美其君上。

興取叠用、駢字、與叠用在公字相呼應。風夜在公、大樂言時之久、不必是自風而夜、以閑暇時言。明、則辨治、辨則不迷、治則不亂、只就威儀上說、其所以然、則德之以將之也。宜提君作主、說到臣上去、方得臣子口氣。驚是舞者所執之驚羽、振其羽如飛驚之下、形容樂舞之善也。鼓即所以節舞、不是兩事。醉言舞、是飲者起舞、與上伶人之舞不同。

毛氏曰：臣有餘敬，而君有餘惠。此曰夙夜在公，在公饒，溫  
肅上句，即如鄭箋：早起夜寐，在于公所之說。而君以適賓  
無事，與之飲酒，亦說得有關係。醉言歸，要見以禮節樂，不  
結以溪意，勿依不醉無歸說。

在公載燕，燕樂舞在內，自今四句，以足民善後平養，今字  
與歲字相應，是歲々無窮之意。穀字該得廣，孫子々而  
子孫而又孫也。年必有所以教之，穀則君先自有之，皆  
頌中寓規。此于齊樂乎就想見異目雍熙之盛說。

按春秋魯自隱公五傳至于僖公，教禮崇信，有明德之望。  
焉。故夫子于經闡宮有肅昭孝先之常也。每月肅不雨，見

恤表之志也、于詩遂保存之、以主于頌、

泮水

序曰、頌僖公能脩泮宮也、

此篇若依詩柄、宜以第三章為主、通玩前後、乃全為莊學、而作文德、固與講學教人是一套事、即出兵釋奠、亦原是學宮之事也、飲酒意不重、

采芹親祈、相逐鹿、庚止中、要見曠典一新意、車行則旂建、馬動則鸞鳴、總是初視學的光景、無小無大、猶云無論成人小子也、從遊有傍、躍意象、

其馬是儀、其音是譽、重在音上、此音不自平日言、只因臨幸泮宮、講苑翰通、實累拙之曠儀、故聲音昭著如此、豈笑



匪怒一正一反。色者顏之和矣。者聲之和。曰色笑。則匪怒矣。肅曰直而溫。又曰敬敷五教在寬。正匪怒伊教之意。飲酒是講學事。果時事難。老服衆作一事說。難老難承。飲酒來大。約是因飲而祝之以壽。非藉酒以介壽也。長道是通之可久者。與大字不同。故註云。摘大通。順字須看力。屬齊侯。上。群醜就魯邦百姓言。服者自裁去屈他。不重在民屈于我。

魯人頌禱。欲君之服淮夷而先言服本國者。蓋必內治然後可外懷也。

穆人齊侯是呼起之詞。敬明者敬以明之也。威儀是明德。

之著于身、重二敬字、維民之則、重在我有、以師表乎民、上  
先文、言不徒為粉飾之具、先武、言不徒為耀兵之觀也、皆  
主德、言周公監二代而正四國、魯公守家訓而作費誓、皆  
是有文武之烈者、茲真能文武、則與之相契、故曰昭格、即  
此便是孝、故可以感神而獲福也、

玩此章德儀、則民屬在上、文治一邊、文武假祖、已向  
下、文外懷一毫、自是通篇開統、

克明其德、是平日服遠之本、故先從此說起、其實為受成  
繹、真皆在津、故因脩津而以服淮夷顧之作、還以振作、言  
羞脩之是重作、而淮之則振作矣、做服須本崇之中寓耀

武來矯。四句正是服淮夷。重。在獻功。不重得人。能其  
人。割其耳。獻敵也。受其詞。斷其罪。獻囚也。  
受成。決其謀也。釋桀。真幣。禮先師也。敵取左耳。以其無所  
也。

濟。多士。二章。言將畧兵威。因歸本。到周敵上。以終淮夷  
收服之意。多士。以將帥言。統御方積士卒。

克廣德心。從。字。中。陶。鑄。來。重。看。九。忠。君。愛。國。之。心。人。所。周  
有。但。為。私。欲。拘。蔽。致。見。害。而。避。見。利。而。趨。故。欲。其。一。意。為  
國。立。功。必。須。推。而。廣。之。桓。四。句。勇。以。立。功。也。不。告。二。句。  
以。居。功。也。狄。訓。過。是。讓。過。使。遠。去。之。意。蒸。皇。不。重。

帥之衆盛、重將兵者得人。故多益善、不吳是不誼、謀不  
揚是不輕躁、言紀律嚴也、訕訕也、問頌之官也、各相推讓  
畧無爭端、故無可告于問訟之官、下句即帶在此句上、  
角弓事與四牡脩廣章倒看、重在獸上、幾曰角弓絀然言  
持弦急也、束矢搜然言勁疾也、既克二句言器械利、卒服  
習既之以克淮夷、使其有順命而無逆命也、罔猷不專是  
兵謀、臍與下條悟相應、罔有堅不可破、定不可搖、容不可  
窺、意獲即上孔淑不送卒字對、前此役援言、  
典重在懷我好音、而先曰集于泮林、則取與原不脫、作泮  
可見詩人通篇只鄭重得作泮一事、慄是覺悟往日病前

病杞、降楚附徐之非、獻琛、正見懷悟、嚴此只以終上、率獲二字之意、非另一意也、淮夷之貢、止續珠璣、魚、厥篚玄纁、縞、九江納息大龜、象齒、出南越、惟金三品、荆揚皆有之、以荆揚二州在南、故曰南金也、所獻皆非淮所有、所以為琛。

閼宮 序曰、頌僖公能復周公之宇也。

此詩首尾皆言脩廟、邇自后稷以及魯之封國、見所由有廟也、周公之孫十三句、合言致敬、郊廟而獲福、載芣四章、詳言敬廟而獲福、天錫一章、詳言敬郊而獲福、蓋魯之有郊、為特典、故同廟祀而并張皇之、不並重。

閼宮、合縣之群廟言也、魯廟、周公稱大廟、魯公稱世室、詳

公稱宮，惟其深閤，故清靜實。言下之盤基固也。故言上之結構密也。廟始于有國，始于有同，始于有後。始于姜源，故從姜源之德說起。降之百福，是天所以福稷。有後四句，是后稷所以福天下也。重稷者，穀之熟有先後。稷穡者，穀之種有先後，不必分屬。黍稷，穀麥有後二句，此黍稷二句不同。上二句，但今有教民意。此是既為農官，與司稼穡，故民皆有之。奄有下土，正承此四句有字來，謂稼穡之教遍天下也。績禹之緒，帶在奄有句上。麟周家之業，盛于太王，成于文武，俱不甚重，只引起周公夾輔之功，耳興隆在周，則凌替在商，故云實始剪商，言其勢。

非言其志也。天之居以商命言。豈紂之自絕于天。已無絲毫留存而牧野一舉正是其盡頭處也。致其局則周命之齊有以致之。無貳二句止本局字說來。即是致商之旅意。中語曰旅不止一久。周公之功在克。成句說出。王曰叔父。要見公當留相王室意。侯以列爵言。啟字以分土言。侯則伯子男皆在其下。大啟則七十里五十里皆居其以矣。為周室輔。當作與周同休看。方見報功意。乃命魯公四句。即上章達爾元子四句事。上止示其意。此則實以命也。山如龜蒙。危嶧川如汶沂。河濟土田如常許。鄆諸附庸如潁。史句須山川使主其祭也。土田使有其賦。

也。附庸使廣其封也。此見魯所以有國而亦見郊廟特與與之俱錫意。

周公之孫二句重得統于周公上。必曰莊公之子者紀其世也。龍旂二句主郊祀。說禮記明堂位所云孟春乘大路載弧韜旂十有二旒日月之章祀帝于郊配以后稷是也。春秋二句言素能敬廟匪懈是以時致祭而不怠不忒謂禮與物無過差大約見于秋而載嘗七句。皇三句是知而天神格享來饗也。宜者無怨恫意降福之多如天錫車事而下一既字蓋推開郊祭以起廟祭之獲福也。上尊稱后稷曰皇祖無諸公亦曰皇祖亦其與既多字相應。



周禮司常職曰、日月為常、王建之、文龍為旂、諸侯建之、傳公雖用如禮、而以龍旂、永祀不敢全僭、天子之禮也、天子以冬至祭天、魯諸侯也、不敢純用天子之禮、故用夏之正月、冬至陽之始、正月歲之始也、

秋而載嘗、七旬是終、春秋匪懈、兩句之意、俱要見用天子禮樂、傳曰、諸侯夏禘則不灼秋、祫則不嘗、惟天子魚之、此言秋嘗舉一時以該四時也、福設于角、爵設于鼻、預敬其事曰夙戒、牲剛正、福衡所施者、白牡祀用公、則不宜用時王之禮、騂剛祀、魯公則不敢悖時王之制、犧尊以盛酒而羞則有毛魚之豚、切肉之裁、太古不和銅器、和菜之羹、作

三物者有常品也。是供穀核豆供蔬醢而大房載半休之  
牲作三器者有常故也。禹舞齔文武言文舞、大夏象文  
德也。簫師掌之武舞、大武象武功也。師干掌之皆言容  
而包聲在內。

鬯豆亦要分周公魯公。周公十六、魯公十二。周語云、郊禘  
之事則全烝。王公士大夫既有房烝、全烝謂全載牲醑。魯以  
季夏六月禘周公于大廟、組用琬琰、與全烝非房烝也。舜  
則周公八佾、魯公六佾。所謂升歌清廟、下管象、朱干玉戚  
冕而舞大武、皮弁素積、楊而舞大夏、納蠻夷之樂于太廟  
以廣魯于天下者、皆以周公之樂舞言、或非所施于

孝孫有慶。虛說。俾爾婦而下皆。有慶之實也。直管到魯侯是若止。感者方盛。昌則又盛大矣。以福言。壽者有年。減則又安吉矣。以壽言。各兩字相照。重在下字。不虧常盛也。不崩常固也。以土地無侵削言。不震常靜也。不勝常平也。以干戈無驚擾言。從保彼一句。一氣說來。三壽三卿皆壽也。有同心一德之意。如罔陵以國祚言。亦即是魯邦是常意耳。

我遠成功。原蒙上獲福。來益賴周。公皇祖之靈。以此即孝孫有慶之可証者也。不必待奠我敵永下方入廟祭。有田則有賦。則千乘。誇成數也。有車則有徒。有三萬。舉

用數也。車右有矛，車左有弓，故矛弓屬車，貝冑而朱其綬，以是一件，是徒御之所服者。戎狄在魯西北，荆舒在魯東南，彼入寇而我當之曰虜，我伐寇而彼畏之曰憖，即齊桓北伐山戎，莊與其謀，南伐荆楚，僖列于會事也。昌熾至矣，試言既得福壽，又得有壽之佐，昌大至有害言，既得福壽，又得有壽之吉，總足及覆極言之耳。富是年壽之謂，謂來日尚多也。昌是明盛之意，大是恢弘之意，耆老艾養也，無害即無有后艱意。

跪曰：滕謂約之以絕，非訓滕為絕。

泰山兩章，總是保邦服遠之意，乃受禍之最大者，重在服。

未有上而保已有意。只帶起言之。大東海邦在東。淮夷在  
南。而徐宅海邦。亦皆連屬于東者。淮夷蠻貊。亦皆連屬于  
南者。前遂荒貫至淮夷。後遂荒貫至南夷。下皆隱承之。  
箋曰。來同。謂同盟也。率從。相率從于中國也。此解切近魯  
國事情。荒字中有綏懷。哉定在內。故曰魯侯之功。  
諾者。遽號令聽約束之意也。是若言魯侯之心。于是而順  
莫作。遠人順。魯侯者。

天錫章。是申言郊祭所獲之福。純嘏。虛說。下皆純嘏之實  
也。看魯人大意。專以恢復疆土為重。其言眉壽保魯。即如  
上文以泰山鬼緯引起服遠之意。還重在復常許。眉壽畧

引其端與末句相應燕喜四句。蓋言開疆拓土之後。傳車  
家邦樂事。而壽又有以享之。所以為終嘏耳。

傳曰。常許魯南鄙。而天子有事于明堂。故錫魯以朝宿  
之常邑。天子有事于東省。故錫魯以朝宿  
于齊許。見易于鄭。故以後之為願居字。正見恢後意。燕喜  
句。虛。點過承。上起下會于下。以釋齊人之討。韓姜之善  
也。歸于廟。以享夫人之壽。成風之壽也。宜有相得一体之  
意。邦國是有。結上輕說末句。本上肩壽而言。

徂來章與篇首闕宮二字相應。漸是裁之于所生之地。度  
是量之于工作之屬。度其長則尋之。度其短則尺之。俱作

廟事舉松栢之大、以見其他材木、舉路寢之大、以見一廟之規制、新廟句提承、看寢在廟之後、所以藏衣冠者、夾以大勢嚴正言、奚斯所作、本祭君主之說、註教養指令也。監視也、屬工謂付工以事、謀章程謂考工以能也、是以廟之連比言、頌以廟之廣大言、打轉夾、說即首所謂閭極寶枚也、周公皇祖、功德在民、故廟貌一新、人心咸慰而順、民心者實在僖公。

商頌

那

通詩、重作樂以、興先之格上。恭敬意即在樂中。第四節只

邇其由來以凡不敢不聽耳。不頗分統率合。

那字言樂器之多。執典鼓。小大並陳。止見其多。曰置。則猶未奏。但曰奏鼓。以其為樂之紀綱也。析烈祖以言用樂去樂之。未說到烈祖樂上。

商人尚聲。凡聲皆屬陽。所以求神于陽也。禮記注曰。殷人之祭。必先作樂。蓋欲以樂之聲音。號呼而詔告于天地之間。使其聞之。而來格來享也。然未鼓。未有臭味。故曰臭味未成。勝陽宣播之意。

傳曰。執鼓。樂之所成也。疏曰。禮記鼓無當于五聲。五聲不得。不和。是樂之所成在于鼓也。執則鼓之小者。故連言之。



王制天子賜諸侯樂則執以將之賜子男樂則祝以將之  
註云祝執皆所以節樂

贊曰置讀曰植執鼓者為植實而樹之湯定天下而作濮  
樂改夏之制乃始植我殷家之樂執與鼓也執雖不植實  
而植之亦植之類按此解置字則此節首稱執鼓專重革  
夏雖集傳沿習已久亦不可不知

奏假是三朋之後其味既升之時奏樂以假于烈祖奏者  
比聲成音比音成樂也思成是未祭而思既祭而若有形  
聲可接如其人之成也重在發字恐而不成則不能安成  
則安矣奏假中即有思成意非直待奏樂假之始未思我

鼙鼓宜深遠而深遠管聲宜清亮而清亮彼此相濟故曰  
和。高下通均故曰平。磬非牧聲之屬乃堂上升歌之聲。玉  
聲清越以長聲有定準諸聲則可以人力高下故依磬聲  
則為和平。舉鼙管亦例其餘也。於赫二句重在嘆美厥聲  
湯孫照前所我緩我而伏後一氣相感之意穆之義盡  
在上文。

鍾鼓感作即鼓鍾送尸之事傳曰其然則也蓋之舞武  
舞陳列兩階次序不紊而已不復舞矣須要見九獻告成  
聲容猶成意亦不夷憚亦字最有含蓄嘉容亦悅先祖可  
知政不必煩拊格祖覲出亦字與亡在念之語儘可不

自古在昔先民，登言以成文，有作，為祭禮也。是作禮之  
作，溫恭者溫，其恭也。事，即朝夕所執之事，有恪，正是溫  
恭。獻言，古人持溫恭于朝夕之間，而凡事之所執者，無一  
不恪也。要認註不可怠意。

碩字有美望之意，言孫者，見一氣流通，不為非類之祀也。  
蓋恭敬之心，藉樂以宣，雖勿，祖之來格，而孝孫之心，猶  
若有不敢必者，故以祖孫一体望之。

### 烈祖

通詩以有秩斯祐為主，重第三節得天得人上。而得天得  
人，即在第二節推出言之。提凡今日所以奉祭獲福，皆賴

烈祖之功德也。末節真祖之事。要點傳世不改。天人相故  
意。

烈祖烈字。典上章作呼詞不同。全要本其功德。如月跡聖  
敬布昭聖武說。祐止就其章介。而有天下。言有秩。何烈無  
疆。爾是歌工稱主祭之詞。及爾斯所祐所及也。還當存事  
有成業說。註中脩祀帶言之。蓋賴爾入以繼天子之休。故  
有天子之祭也。

此節推本得以奉祭之由。與周頌克昌厥后得以祭于烈  
考文母同意。下二節俱承此節末句說。

載在尊之義也。該灌獻在內。載清醑而奏思成。作求神。

神至說說義曰酒之清者方載而在尊即灌獻之用也至  
于釀定則熟薦之時也原畧分先後玩本文既寧與旅寧  
自見箋曰和羹者五味調腥熟得節食之于人壯安和既  
戒言備之預既平言味之美醴假就進和羹說醴假神之  
謂也無言自主祭者言靡秉自助祭者言無疆德無厭壽  
黃考二項

此節即上文註中所謂脩其祭祀故說者食謂當提滿酌  
和羹作生以見先祐所及不知載酌薦羹凡祭皆然何必  
專為天子富有四海者有之如此粘合却看先祐小字不  
如只作斯所之志協兼盡感神獲福平三叙次通到下文

得人得天。自見湯祿奉祭。象。

約執二句。要起見四海來格光。景降神曰嘏。獻神曰享。即  
載清醑。進和羹之事也。雖就諸侯言。還提天子作主。受命  
將承上得人意。以起下豐年。莫得人與天。平看泰。履之  
多。自適天下言。不單指王國。凡祭重在樂盛。故本文言豐  
年。而註點出泰。履不必泥定。酌典。羹得此而併也。來假來  
車。提承天人相應說。要歸本先祐上節。無極以壽言。此節  
無極。即以福言。種是疆界。借地以形福也。有籍先祐以舉  
祀典。又籍祀典以永先祐意。

顧予二句。與前篇稍別。前只重湯祿二字。見一脈相承。此

則并符字亦重。蓋兩將之祭。即承烈祖有秩之祐而得之者。也。篇均言思成。言假享。則先祖之顧。已不待言。而涉孫之意無窮。故末復叮嚀如此。

玄鳥 序曰。祀高宗也。○箋曰。祀當為給。人合也。高

宗崩而始合祭于契之廟。歌是詩焉。

此時首尾以天命為重。特詳于湯與武丁者。以始受命者。湯。幾失而獲得之者。武丁也。中間土地人民是眼目。武德是根本。而後先相繼是血脈。應以殷受命成宜一句。結。天命玄鳥二句。還依毛傳祀疏。以天之生契。將令王有天下。故本其為天所命。以祈福之時。適當玄鳥之至。重之若

自天來為禪生契而曰生商以商人之生始于契也亦如  
生民以生稷為生周入宅殷言契以司徒受封而居殷地  
也古字一讀輕省不與帝字相連是後人進言之故曰古  
武湯武字不可輕放過君德以剛為主故湯曰武湯王曰  
武王湯之武智勇天錫是也正即書表正萬邦之正域即  
四方之封域大約是除殘暴立綱紀以治天下意四方兼  
人土言

方命厥后承正字來奄有九有承域字來厥后與夏后之  
后同指湯也方命奄有即是受命不殄以湯對孫子言故  
曰先后不殆言同也以武丁對先后言則曰孫子此二句



只要堯湯受命之圖。不重武丁賴福上。

武丁孫子是座上語。武王只是堯湯之孫。武德在一勝字。上看如起敵興衰。更化善治。俱有一段精明果銳。擔當而負荷之。不單自征伐上言。若其本原。還要在恭然思通。不敢怠慢。不敢荒寧。數者。此句正與上武湯相照。管下文五句。

龍旂以所建言。十乘。以所乘言。筴武十乘者。二王後八州之大國。此二句言人心無異于方命。厥后也。王哉。雖有制疆域。則無限。居中而能制外。如此聲只是開廣之意。無工夫。此二句言土字無異于奄有。九有也。

四海來假二句、蒙上文承精、而申言諸侯助祭之衆。景員  
惟河、蒙上文肇域、而申言王都建極之雄。不過疊言土地  
人心、以見武丁受命如此、言景山見之起、四方之拱極、言  
河見之華、四海之朝宗、不可以山川平對、是畿內、梁山之  
周皆大河之環帶也。咸宜全在武德上說。發咸字、須先提  
湯而說到武丁、不宜並重。亦不須批契來、契未嘗受命也。  
百祿是荷、即帶受命上說、自天錫之為命、自人受之為祿、  
提不外人心土宇。

長發 序曰、長發、大發也。○四時之祿、不陳人廢之。  
主、大祿則合群昭群、穆已毀未毀之主而祭。

之。此及相土則為大給之詩矣。

通詩以濟哲二句為主。大意歸重湯之受命上。而基于玄王。延之相土。以及于湯。則發祥所為長也。要以玄王則桓撥。相土則烈。湯則聖敬日濟。無非有濟哲之德者。伊尹咸有一德。故得配享而並頌之。

濟是深沉而不淺露。哲是明睿而不蔽塞。祥即兆字。義長發云者。從成湯而遙推到契也。洪水四句不重。只引起有城方將意。敷下土方。敷治水之功。于下土之四方也。水患既除。則外大國與中周不相隔絕。故曰外大國是疆。直方曰幅。周圉曰負。有城正外大國之屬。于幅負者。方將正精。

其為大國。帝王舜主之也。生商。與古為章。不與。終。其。生。商。人。此。在。言。造。育。室。蓋。契。經。始。封。一。段。已。潛。用。混。一。根。基。矣。所以為受命之祥。

桓有武設之意。撥刻治有自治。以治人之意。受小國大國者。然教之地。即所受之地也。與奄有下土一例。達。即是。下。姓。親。天。品。達。教。化。然。所。空。碍。意。率。履。二。句。正。見。所。以。達。處。後。禮。也。四。所。謂。親。教。序。別。情。率。之。不。達。根。桓。撥。來。視。與。視。民。不。挑。親。字。同。發。興。四。方。爰。發。字。同。正。應。轉。達。字。逆。字。既。字。緊。上。相。應。有。達。化。意。所。謂。以。身。教。者。往。也。相。土。居。夏。后。之。世。承。契。之。業。入。為。王。官。之。條。出。長。諸。侯。烈。

烈以德之光顯。海外有截。是畏其威。懷其德。一齊向化之意。非為之民也。

帝命不違。即自契之既終。相土之有截見之。惟其不違。所以積之而齊也。湯齊。未便是王業成。只是與天命會。不違。亦就齊字上見。曰齊。曰不違。要見湯與天命適然會合之妙。敬曰聖敬。此有後人指見成者言。不必在聖字上着相。日新又新。所謂日新也。敬字乃成陽心學。全在心上着。下文敷政奏勇。皆從此出。聖敬三句。一連疊說。昭假有與。天心合一之意。就齊字上便見。昭假就日字上便見。邊人上帶是祇。只是上意耳。帝命式同。是使作君師為臣民式。亦

品命之如此。未便是有天下。

受小球二事。一是即九圍之朝。見其受帝命。而推本于敷政之能敬。一是即九圍之貢。見其受帝命。而推本于用武之能敬。總是以聖敬受武圍之命也。行政與養勇俱在朝貢先事。綴旒以一人而聯屬諸侯。謂總攝得他來。駿龐以一人而負荷諸侯。謂承載得他起。此即天休天寵。各百祿亦打轉此意。

小球如子穀璧。男蒲璧。大球如公桓圭。侯信圭。即書所謂五瑞。不競不休三句。作一反一正看。凡為政急則操切。緩則廢弛。剛則喜于必為。柔又安于不為。皆非中道。纔示競。

練至用剛柔迭施。使已落。競練剛柔矣。湯則一兵所看而  
惟寬大優裕以教之。此敬德之中正處。

震動懸懷四字。俱就我心上說。震動有張皇時。懸意屬過  
一邊。懸懷有惴惴畏蕙意。屬不及一邊。亦如競練剛柔之  
相崎。湯之兵一惟代天行事。而反之于心。固非有可送而  
不自持。亦非有所疑而不自信。何由周章。何所畏縮。此敬  
德之鎮定處。要知此只泛言平日行師如此。未說到將  
性不震動懸懷。乃為大勇。數奏其勇。與上數政優。顛倒  
觀看。前四不字。分兩句活看。後四不字。合兩句活看。方得  
其解。折開便非。

武王載旆，章正伐桀，而有天下之事。有度二字，要提出重看。蓋以聖敬而奉天伐暴，不敢使天誅或留，罪人不得也。如火二句，正根有度說。全是以戒惧為奮揚，理直氣壯，故威靈如此。莫遂，不得肆其惡也。莫達，不得行其志也。從莫敢通一氣直下。遂達字在苞葉上影借出來。三葉既珍，則小國懷大國畏，雖苞猶未除，而九有無敢橫行者矣。故曰有截，不必說受朝貢，剪其葉而徐及其本，固是行師次序。宜然亦須發明，俟集悔悟之意。方見成湯心事。此一章是聖敬日濟以下三章實事，所謂不競猷剛柔，不震動，聽懷者，俱于此見之。而潛哲發祥亦結束于此。



中葉只就成湯未興以前言。震謂國勢不定。葉謂人情不安。即所謂華我邦于有夏。小大戰。固不懼于非事是也。全為夏失其道。令人危懼若此。不是商之中衰。尤也。天子只是應聖作之期。有聖人之德。未說到敷政奏勇上。降于卿士三句。一直說下降者。天為天子降之也。箋曰。阿倚。衡平也。伊尹湯所依倚而取平。故以為官名。左右商王者。左右以敷政奏勇伐夏救民也。兩寔字緊應着降字。上實維指其人。下實維表其功。見其宜配享宗廟。

殷武

魯申公曰。殷武祀高宗之樂。蓋帝乙之世。武丁親盡當祀。以其中興功高。存而不毀。特新

其廟稱為高宗而祀之。故作此歌。

伐楚是高宗中興第一樞括。故從此說到諸侯畏服上。然中興根本只在一個畏民。故四章推本言之。而因極言中興之盛也。提見肅將廟世紀意。

捷彼殷武。照前此累世因循。凌夷不振。看喬字緊承捷字。來此二字俱有獨斷獨行人不及謀發不及距之意。梁入三句正喬伐事。而尤重在梁入。梁冒犯也。謂犯險而入。不憚勞也。楚人惟恃其阻。征之則逃匿。謂我不能致之。是以其地難平。惟掘其巢穴。使之形見勢窮。而于以聚致其醜。勤使無所棲逃。則其地自平矣。此三句作一氣說。以其續

湯之績而可禘于後。故不曰功而曰績。

傳曰有鍾鼓曰伐。○荆楚左控江陵右控黔中南負蒼梧北依涇塞世亂則先叛世治則後服。

居國南鄉見為聲教所加正朔所及也。畢獻方物日享一

世一見曰王國語云賓服者享荒服者王周禮秋官行人

曰九州之外謂之藩國其父死子繼及嗣王即位乃世見

莫敢不三字極重從自彼字說來末句乃氏是自言事商

常禮當如此正見其必享必王之意。

天命多辟二句雖只是喚起下文來辟之初然天命兩字

亦非虛設照下命于下國自見不舉焉績設都亦不足以

盡多辟。歲事如周禮春朝夏宗秋覲冬巡就一歲言之故  
曰歲事說者多謂歲事所包者廣稼穡特其一端不知聖  
王建侯之意全是爲民除却民事有何歲事除却稼穡之  
事亦無民事匪懈如土地辟田野治省耕省斂是也勿予  
禍譴是多辟心口自忖語稼穡匪解即其庶幾可免禍譴  
者二語有康王不敢自保之意勿作自信口氣  
捷伐猶若以兵威服楚至引成湯時克桀責之詞履義正  
而亦見用兵原非不得已則楚人雖負固已久亦當心服何  
况禹績設都之辟敢有不述其職者此諸侯所以康然畏  
服也畏字足領通篇之神

疏第三節天命二字氣脉直貫至來辟與命于下國二句更無兩意故第四節推原中興之本直從天命說起天命有去有留虛懸以待其監而監實際降而寄之下民之視民之聽即是天之監不待以民之好惡分天之去留而始見其嚴也有嚴只說得民之可畏不僭不濫纔是真能畏民不僭濫嚴就是他不敢怠遽處若一怠遽便僭濫矣不必然不敢怠遽推深一層看不敢字正與嚴字相關畏民即以畏天也命于下國打轉上天命來對上天而言故云下國建福要點內順外威常操賞罰之柄意切記封討作

商邑二句、蒙上建福來、翼上者、改教清明、國勢改觀也、然  
不止為四方所歸往、是環向取正意、厥聲厥靈、根此二句  
說、聲是風聲、曰赫上、夷夏皆謳歌也、靈是威靈、曰耀上、夷  
夏皆震驚也、此皆自高宗捷然一奮時將以誓服中外之  
勢、重新開闢出來、而加之壽考、則此聲靈之盛、與年俱長、  
且獲康寧、則其享年之日、聲靈無改矣、延至後生、猶此赫  
濯之遺、即皆高宗保之也、以字緊根聲靈一派說、  
陟彼二句、言材之良、是斯二句、言工之飭、松栢二句、言廟  
制之美、截之所生之、斯移之造作之、嚴為遷正、以範  
墨為方、以斧斤、長短而截之、為良寢成孔安、

就後人、如高宗之神、說廟成而神有所依、則安也。孔字、遷在百世不遷上見、但要知此主廟升祔、乃在親盡當祧之時、非始崩祔廟之日。

龔成劉氏曰、商書曰、七世之廟、可以觀德、蓋天子七廟、三昭三穆、與太祖之廟、其有功德之君、則後世宗之、雖親盡而不祧、別立百世不遷之廟、而特祔其主焉、凡有功德者、皆然、紛不可預限其數、而商則止有三宗、高宗即其一也。